

TABULA 743.

## BEGONIA ELLIPTICA.

MONOECIA POLYANDRIA.

CHAR: ESSENT: *Masculi*: Cal. nullus. Cor. polypetala. Petala 5, 4, inaequalia. — *Feminei*: Cal. nullus. Cor. petala 4-9, plerumque inaequalia. Styli 3, bifidi. Caps. triquetra, alata, trilocularis, polysperma.

*BEGONIA elliptica*: glabra; caule herbaceo, simplici (?); foliis inaequilatere-ellipticis, acuminatis, basi rotundatis sub-integerrimis, venoso-subquinque-nerviis; corymbis dichotomis, longe pedunculatis masculis terminalibus, femineis . . . . .; alis capsularum inaequalibus, exteriore ovato-deltaeidea, acuta, adscendente. v. *Humboldt et Bonpland Nov. Gen. et Spec. Tom. VII. p. 158. tab. DCXXI.*

*Crescit in sylvis prope Jaen de Bracamos, alt. 300 hex. (Alto Marannon.)* ● (?) *Floret Augusto.*

*CAULIS* (ramus?) simplex, glaber.

*FOLIA* alterna, petiolata, inaequilatera, oblique elliptica, acuminata, basi rotundata, sub-integerrima, venoso-subquinque-nervia, nervis duobus extimis obsolete, carnosae (?), utrinque glabra, subtus pallida, 3-3½ pollices longa, 20-21 lineas lata.

*PETIOLI* 4-6 lineas longi, glabri. *Stipulae* petiolares, geminae, oblique ovatae, acuminatae, nervosae, integerrimae, tenuissime membranaceae, glabrae, erectae, 6-8 lineas longae, persistentes. *Corymbi* dichotomi, longi pedunculati, glabri; masculi terminales; feminei . . . . .; pedunculo 2-3½ pollicari ramisque glabris, divaricatis; bracteis parvis, oppositis, ovato-lanceolatis, glabris, in apice ramulorum subfasciculato-approximatis.

*FLORES* terminales, gemini vel terni, pedicellati; pedicellis capillaceis, glabris, 2-2½ lineas longis. v. *Humb. et Bonpl. l. c.*

*Obs*: Affinis *Begoniae glabrae*. *AVUL.*

*Ramus florens et fructifer, naturali magnitudine.*

1. Omnes fructificationes sunt auctae.
2. Capsula et 3. eadem dissecta, naturali magnitudine.